

INUIT ATAQATIGIIT INATSIARTUNI



UKA2023/54
8. novembari 2023
Pipaluk Lyngø

Nunat avannarliit siunnersuisooqatigiit Kalaallit Nunaata qanoq iluaqutiginerulersinnaaneraa pillugu apeqquaqat aallaavigalugu oqallinnissamik siunnersuut

(Inatsisartunut ilaasorta, Mariane Paviasen, Inuit Ataqatigiit)

Oqaaseqaat:

Siullermik qujanaq oqallissaarummut soqutiginarumut.

Nunat avannarliit Siunnersooqatigiivi ukiorpaalunni suleqatigisimalerpagut, ukiut tamaasa naapittarlugit, tamatigut nuna naapiffik ilaasortaatat nunarisaat tullerriaallugit ataatsimiilernerme ornittarlugit, ilaatigut aamma nunatsinni pisarluni.

Nunat avannarliit suleqatigiinnerat ilaatigut Folketingemi ilaasortat, nunallu tikitat oqartussaaffii suleqatiginerisigut pisarput, tamatigullu sammisassaq allanngorarluni, ilaanni silap pissusaata allanngoriartornerata upalungaarsimanissaa eqqartorneqartoq, ilaanni atuartitsineq assigisaallu sammisarineqartarlutik.

Ilumoorpoq Kalaallit Savalimmiormiullu ilaasortaattavut ikinneerarsuupput, taamaasillutalu hold 2-mi ilaasortaatinneqarluta, oqartussaassuserpullu taamaasilluni annikilluni.

Nunat avannarliit siunnersooqatigiinnut ilaasortaanerput, allatuulli ajunngitsortaqaarlunilu ajortortaqaartarpoq. Ilaatigut nunat avannarliit avatangiisinut piujuartitsinermullu paasissutissanik tunioraasarnerat, eqqartuisarnerat inerisaarusussuseqarnerallu uatsinnut

INUIT ATAQATIGIIT INATSIARTUNI



pisuunnguallatsitsisarmat. Nunat avannarliit mingutsitsinermut isiginiarnerat ulluinnarni eqqartortarpaat, eqqummaarigaallu suut mingutsitsinersut, suullu piujuartitsinermut aqutissiuussinersut pingaartittarlugit.

Misilittakkat takutereerpaat Nunat Avannarliit Siunnersoqatigiivisa naapinnerini oqaluuserisassat aaliangersugassallu annerusumik nunatsinnut sunniuteqarneq ajorput, aaqqissuusaanerat pingaartitaallu uagut anguniakkatsinniit atukkatsinniillu allaanerukkajummata, uagullu Inatsisartunut ilaasortaaitatta annerusumik oqartussaaffigereermatigit.

Hold 1 aamma 2-mi aveqqatilluta anguniakkat aallerfigisinnaasagullu killeqartuassapput, taamaammat eqqartugassaavoq, ilaasortaanitta nukittorsarnissaa anguniassaneripput, nammineq aningaasaliivigisalissaneripput nutserisumillu angalaqateqartalersinnaanissarput Nunat Avannarliit Siunnersoqatigiivisa ammaassivigerusussaneraatigit.

Nunatulli allatuut pineqarusunneq uatsinniit kissaataavoq, suleqatigiinneq naligiinnermik anersaaqarnissaat Inuit Ataqatigiinniit kissaatigigatsigu. Naalakkersuisut siulittaasuata Nunat Avannarliit Siunnersuisooqatigiiani oktoberimi ataatsimeersuarneranni oqarneratuut, ikinngutigiiit hold 1 aamma hold 2-ni agguataarnerat akuerinnginnatsigu.

Taamak oqareerluta, uatsinnut nunatsinnullu iluaquserlugu ilaasortaanerput ingerlatissagutsigu, amerlanernillu ilaasortanik aallartitaqartalissagutta, aamma aningaasanik akeqarmat.

Ukiut taamannak ilaasortaareerluta nalilersoqqissinnaavarput ilaasortaanitta aaqqissuusaanera allanngussanersoq, uatsinnut aaqqissuussinerit pitsaaninngorlugit atuussinnaaleqqullugit, suleqatigullu naligiilluta tamakkiisumik ilaasortanngorluta, taamaasillutalu

INUIT ATAQATIGIIT INATSIARTUNI



oqartussaassuseqarnerulerluta, sunniuteqarsinnaanerluta uatsinnut
iluaqusersinnaanerulerluta.

Taamatut oqarluta oqallissaarummut Inuit Ataqatigiinniit oqaaseqarpugut.